

Rammasamningur Samtaka náttúrustofa og Náttúrufræðistofu Kópavogs varðandi samstarf um rannsóknir í náttúru- og umhverfisfræðum.

Samtök náttúrustofa (SNS) annars vegar og Náttúrufræðistofa Kópavogs hins vegar gera með sér eftirfarandi rammasamning um eflingu samstarfs:

Markmið

Markmið samningsins er að efla samstarf og faglegt samráð ofangreindra aðila um rannsóknir í náttúru- og umhverfisfræðum. Þannig eflist starfsemi stofnananna m.a. með samvinnu starfsfólks og samnýtingu á aðstöðu. Með þessu móti er mætt mikilli og vaxandi þörf í landinu fyrir rannsóknir á þessu svið, ekki síst á landsbyggðinni. Lögð verði áhersla á að samstarfið leiði til þekkingar í hæsta gæðaflokki sem standist í einu og öllu alþjóðlegan samanburð.

Forsendur

Samtök náttúrustofa á Íslandi hafa innan sinna vébanda; Náttúrustofu Austurlands, Náttúrustofu Norðausturlands, Náttúrustofu Norðurlands vestra, Náttúrustofu Vestfjarða, Náttúrustofu Vesturlands, Náttúrustofu Reykjaness og Náttúrustofu Suðurlands. Náttúrustofurnar starfa á vegum sveitarfélaga en samningur var gerður milli umhverfisráðherra og þeirra sveitarfélaga sem standa að rekstri þeirra. Hlutverk þeirra samkvæmt lögum er: m.a. að safna gögnum, varðveita heimildir um náttúrufar og stunda vísindalegar náttúrurannsóknir einkum í þeim landshlutum sem stofurnar starfa, veita fræðslu og ráðgjöf um umhverfismál og náttúrufræði.

Náttúrufræðistofa Kópavogs Háskóla Íslands er rannsókna- og þjónustustofnun. Hlutverk Náttúrufræðistofunnar er að safna, varðveita og sýna náttúrugripi, standa að fræðslu og rannsóknum í náttúrufræðum og stuðla að náttúru- og umhverfisvernd.

Rannsóknir

Samtök náttúrustofa og Náttúrufræðistofa Kópavogs munu standa að nánu samstarfi um rannsóknir. Þessar rannsóknir spanna grunn- og hagnýtar rannsóknir í náttúru- og umhverfisfræðum. Samvinna verður við stofnanir og fyrirtæki hérlandis og erlendis. Stofnanirnar munu leitast við að sækja sameiginlega um rannsóknastyrki í samkeppnissjóði, og mynda með öðrum innlendum og erlendum stofnunum sterkt rannsóknarteymi.

Aðstaða

Stofnanirnar munu samnýta aðstöðu og tækjabúnað til rannsókna eins og unnt er. Miðað skal við að öll uppbygging á aðstöðu og tækjabúnaði á Náttúrustofum og Náttúrufræðistofu geti nýst báðum aðilum og skal leitast við að sækja sameiginlega um fjármuni til uppbyggingar aðstöðunar.

Verkefni og fjármögnun

Samstarf um rannsóknir mun aðallega snúast um skilgreind verkefni. Stofnanirnar munu leita sameiginlegra rannsóknarstyrkja, hérlendis og erlendis, auk annarrar fjármögnumunar, t.d. frá fyrirtækjum eða stjórnvöldum. Um hvert verkefni, framvindu bess og kostnaðarskiptingu skal gera sérstakt minnisblað.

Stjórnun og miðlun

Skipulag, fjárhagslegur rekstur og framvinda samnings þessa skal vera samþykkt af stjórn SNS, forstöðumönnum náttúrustofanna og forstöðumanni Náttúrufræðistofu. Gerð skal grein fyrir samstarfinu í opinberu kynningarefni og árskýrslum ofangreindra stofnana. Aðilar sameinast um kynningu á þeim möguleikum til menntunar og rannsókna sem samstarfið felur í sér sem og á öllum rannsóknaniðurstöðum.

Bolungarvík, 21. nóvember 2007

F. h. Samtaka náttúrustofa

Dorrell L. Dorriksen

Porkell Lindberg Þórarinsson formaður

F. h. Náttúrufræðistofu Kópavogs

Hilmar J. Malmquist